



AZKOITIKO UDALA
AYUNTAMIENTO DE AZKOITIA

ESP. KODEA 2024CONB0023
COD. EXP.

ESPEDIENTEA EXPEDIENTE	HITZARMENAK
TITULARRA TITULAR	PARROQUIA DE SANTA MARIA LA REAL
HELBIDEA DIRECCIÓN	AZKOITIA

Jakinarazten dizut, gaurko egunez, Azkoitiko Korporazioko Alkate-Lehendakariak, honela dioen Dekretua eman duela:

ANA AZKOITIA URTEAGA, AZKOITIKO UDALEKO ALKATEAK, Toki-Araubidearen Oinarriak arautzen dituen apirilaren 2ko 7/85ko Legeko 21.1. f), 21.3 eta 23.4 artikuluetan xedatutakoaren arabera,

IKUSIRIK

Udal honetako 2024ko aurrekontuetan, Azkoitiko SANTA MARIA LA REAL parrokiaren aldeko diru laguntza ematea aurreikusten dela, 2024ko urteko ekintzak aurrera eramateko.

KONTUAN HARTURIK

Departamentuko kultura teknikariak egindako proposamenaren aldeko iritzia azaldu duela 2024CONB0023 espedienteko “Txosten teknikoa” deritzon tramitean:

“(…)

AURREKARIAK

- 2024ko abuztuaren 12an, 4550 Udaletxeko sarrera zenbakiarekin, SANTA MARIA LA REAL parrokiak urteko ekintzengatik diru laguntza eskatu duela.
- 2023ko abenduaren 14an Azkoitiko Udalbatzak onartu zuen 2024ko udal aurrekontua, 2023ko abenduaren 20an, behin behineko iragarkia kaleratu zen GAOn, eta 2024ko urtarrilaren 23an, erreklamaziorik egon ez zenez, behin betiko onartu.
- Aurrekontu hauetan Santa Maria La Real parrokiaren diru laguntzaren partida jasotzen da. Baita ere, Diru Laguntzen Plan Estrategikoan, diru laguntza hau aurreikusita dago.

(…)”



AZKOITIKO UDALA
AYUNTAMIENTO DE AZKOITIA

-Horren ondorioz,

EBAZTEN DUT

LEHENA.- SANTA MARIA LA REAL parrokia eta Azkoitiko Udalaren arteko I. Eranskineko hitzarmena sinatzea.

BIGARRENA.- SANTA MARIA LA REAL parrokiari 14.000 €ko kopurua ematea, Azkoitiko Udalarekin adostu duen programa aurrera eraman dezan: 2024 urteko egitasmoa, hain zuzen ere. Halaber, aipaturiko gastua Azkoitiko udal aurrekontuko 3100.481.334.00.09 (2957) partidari atxikitzea.

HIRUGARRENA.- Erabaki hauen berri interesatuari eta Kontuhartzailetza Departamentuari ematea.

LAUGARRENA.- Diru laguntza hau, Gipuzkoako Aldizkari Ofizialean, web orrian eta Gipuzkoako atarian, (Gardentasunaren atarian) argitaratzea.

Erabaki hau finkoa da eta amaiera jarri dio administrazio-bideari.

ERREKURTSOAK

Bere aurka auzitara jo aurretik, interesdunak, hala nahi izanez gero, birjarpen errekurtsoa aurkez dezake Alkatetzaren aurrean hilabete bateko epean, erabaki honen jakinarazpena jaso eta biharamunetik kontatzen hasita. Hori dena, Herri Administrazioen Administrazio Prozedura Erkidea arautzen duen urriaren 1eko 39/2015 Legearen 123 eta 124 artikuluetan xedatutakoaren arabera.

Bestela, birjarpen helegitea aurkeztu ordez, edo aipatu errekurtsoarean erantzunaren aurka joko balu, interesatuak administrazioarekiko auzi-errekurtsoa aurkez dezake bi hilabeteko epean, erabaki honen jakinarazpena jaso eta biharamunetik hasita. Helegite hau, Donostiako Administrazioarekiko Auzien Epaitegian aurkeztu beharko da.

Bestaldetik, Administrazioak birjarpen errekurtsoa erantzun gabe utziko balu, interesdunak sei hilabeteko epea izango du administrazioarekiko auzi-errekurtsoa aurkezteko, birjarpen errekurtsoa tartekatu zuen datatik kontatzen hasita.

IDAZKARIAK

KONTUHARTZAILETZA



AZKOITIKO UDALA
AYUNTAMIENTO DE AZKOITIA

ERANSKINA I.

AZKOITIKO UDALAREN ETA SANTA MARIA LA REAL PARROKIAREN ARTEKO HITZARMENA

BILDU DIRA

Alde batetik, Ana Azkoitia anderea, Azkoitiko Udaleko Alkatea eta P-2001800-H I.F.K. zenbakia duen Azkoitiko Udalaren izenean.

Bestetik, Felix Azurmendi Ayerbe, R2000360D I.F.K. duen Santa Maria La Real parrokiaren izenean eta haren ordezkartzan.

Bi alderdiek elkarri aitortu diote hitzarmen hau izenpetzeko gaitasun osoa dutela, eta Santa Maria La Real parrokia eta bere ordezkariaren kasuan, Administrazio Publikoarekin hitzarmenak izenpetzeko inolako bateraezintasun edo ezgaitasun arrazoietan sartuta ez daudela adierazi ondoren, agertutakoek honako hau

ADIERAZI DUTE

I.- Diru-laguntzei buruzko azaroaren 17ko 38/2003 Lege Orokorrak 22.2 artikuluan xedatzen du Toki Administrazioa aurrekontuetan aurreikusitako diru-laguntza izendunak zuzenean eman ahalko direla, betiere, diru-laguntza arautzen duen hitzarmenean eta diru-laguntzak arautzen dituen araudian jasotako baldintzetan.

Lege bereko 28. artikulua diru-laguntzak zuzenean emateko prozedura arautzen du, zehaztuz, hitzarmenak direla Toki Administrazioek aurreikusitako diru-laguntza izendunak bideratzeko ohiko tresnak. Hitzarmenek, legean xedatutakoa betez, aplikagarriak diren baldintzak eta konpromisoak jasoko dituzte.

Uztailaren 21eko 887/2006 Errege Dekretuko 65. artikulua arabera aurrekontuetan aurreikusitako diru-laguntza izendunak izango dira, xedea, aurrekontu-zuzkidura eta onuraduna aurrekontuaren gastuen egoera-orrian berariaz zehaztuta dituztenak. Gainera, diru-laguntza horiek emateko prozedura ofizioz hasi daiteke edo eskatuta eta diru-laguntza arautzeko oinarri izaera izango duen hitzarmenarekin amaituko da.

II.- Santa Maria La Real parrokiak Azkoitiko herriarentzat eta bere herritarrentzat eskaintza kultural aberasgarria osatzen laguntzen du. Bere ateak irekita egoten dira herriko bisitarientzat, turismoan positiboki eraginez eta Azkoitia herriaren izena ezagutarazten lagunduz. Horretaz gain Parrokiko Cavaillé-Coll organoak duen ohorea eta izen ona ere kontutan hartu behar dira, urte askotan zehar herriko hainbat ospakizun edo jaialditan erabiltzen da eta erabiltzen jarraituko da.

III.- Lankidetzak hitzarmen hau egiteko orduan, kontuan hartu dira Santa Maria La Real parrokiak jendartean duen eragina, zenbat azkoitiarrek parte hartzen duten bertan, ematen den zerbitzua, izandako ibilbidea, jarraitasuna eta egonkortasuna.

IV.- Diru-laguntza hau ematen da interes publiko eta sozialeko helburuak betetzeko. Zehazki, Santa Maria La Real parrokiaren 2024an burutuko diren kultur ekintzak eta beraietatik eratorritako gastuak finantzatzeko erabiliko da.



AZKOITIKO UDALA
AYUNTAMIENTO DE AZKOITIA

V.- Hitzarmen hau sinatzen da Azkoitiko Udalaren eskumenen egikaritzan, hain zuzen, Euskadiko Toki Erakundeei buruzko apirilaren 7ko 2/2016 Legearen 17.20 artikulua xedatutakoaren arabera.

VI.- Hitzarmen honen helburua Azkoitiko Udaleko aurrekontuan (indarrean dagoena) aurreikusitako diru-laguntza erakunde onuradunaren alde bideratzea da eta erakunde onuradunak bere gain hartuko dituen baldintzak nahiz konpromisoak finkatzea.

Beraz, diru-laguntzen Lege Orokorrean eta aplikagarria den gainerako araudian ezarritakoa betez, bi aldeek hitzarmen hau izenpetzeko erabakia hartu dute, ondorengo baldintza edo xedapenen arabera:

XEDAPENAK

LEHENA.- Hitzarmen honen xedea da Azkoitiko Udalak 2024. ekitaldiko aurrekontuan aurreikusitako diru-laguntza Santa Maria La Real parrokiari ematea eta emate horren baldintzak arautzea, Santa Maria La Real parrokiak, Azkoitiko Udalarekin adostu duten programa aurrera eramanez: 2024 urteko egitasmoa, hain zuzen ere. Ondorioz, aipatutako programa sortutako gastuei aurre egiteko bakarrik erabili daiteke diru-laguntza. Aurten Azkoitia 700 urteurrena izanik urteko ekintzaz gain, 700 urteurrenak Parrokiko kontzertuak eta erabilera handitu egin da, bi aldeak adostu duten egitasmoan ikusten den bezela. Gastu hauei aurrera egiteko Azkoitiko udalak gehienez 14.000 euroko diru laguntza emango dio Santa Maria La Real parrokiari.

BIGARRENA: Azkoitiko Udalak, Santa Maria La Real parrokiak, HAMALAU MILA EUROKO (14.000,00 euro) diru-laguntza emango dio programan aurreikusitako ekintzetarako, 2024ko udal aurrekontuko partida honetatik: 1.3100.481.334.00.09 2024(2957) diru-laguntza hau, ordainketa batean emango da, hitzarmena sinatu ostean. Horretarako, Santa Maria La Real parrokiak dokumentazioa hau aurkeztuta izan behar du:

- 2024ko programa eta jardueren proiektua.
- 2024ko gastuen eta sarreraren aurrekontu zehaztua.
- Gainerako finantza iturriei buruzko zehaztapen idatzia edota beste finantza iturririk ez duen ziurtagiria.

HIRUGARRENA:

- Aurkeztu den programaren baitan egiten diren ekitaldi guztietan adierazi beharko da Azkoitiko Udalak diruz lagundu duela. Era berean, argitaratu daitezkeen publizitateetan, agerian utzi beharko da Azkoitiko Udalak laguntza eman duela, "Azkoitiko Udalaren laguntzarekin" esaldia txertatuz Udalaren Logoarekin batera.
- Ekitaldi edo jardueraren berri eman beharko zaio Kultura Departamentuari hilabete lehenago (eguna, ordutegia, lekua, informazioa...).
- Iragarkiak, ohar eta jakinarazpenak, bai ahozkoa eta bai idatzizkoa, ahal den guztietan, euskara hutsean egingo dira. Bi hizkuntzetan egiten badira, lehentasuna emango zaio euskarari.
- Ezingo da sexu edo arraza arrazoiengatik diskriminaziorik egin eta une oro errespetatu beharko da emakume eta gizonezkoen arteko aukera-berdintasun printzipioa.

LAUGARRENA: Santa Maria La Real parrokiak ziurtatzen du, Dirulaguntzen onuradun izateko azaroaren 17ko Dirulaguntzen 38/2003 Lege Orokorren 13. artikuluan eta Azkoitiko Udaleko Dirulaguntzen Oinarri Orokorretan (GAO, 54 zk, 2023ko martxoaren 20a) Zehazten diren baldintza guztiak betetzen dituela.



AZKOITIKO UDALA
AYUNTAMIENTO DE AZKOITIA

Hala ere, Azkoitiko Udalak egiaztatu egingo ditu datu bitartekaritzako plataformako zerbitzuetatik ondorengo baldintzak:

1. Poliziaren Zuzendaritza Nagusia:
 - Laguntza eskatzen duen pertsona bakoitzaren nortasun datuen kontsulta eta egiaztapena.
2. Gipuzkoako Foru Aldundia eta foru-ogasunak:
 - Zerga-betebeharrak egunean izatearen kontsulta.
3. Gizarte Segurantzako Diruzaintza Orokorra:
 - Gizarte Segurantzako betebeharrak egunean dituenaren kontsulta.

Gainera, Azkoitiko udalak egiaztatuko du, udalarekin zerga betebeharrak egunean dituela.

BOSGARRENA: Diruz laguntzeko gastutzat joko dira diruz lagundutako ekintzaren edo proiektuaren izaerari erantzuteaz gain, diruz laguntzak arautzeko oinarriek ezarritako epean egiten direnak. Gastu bat diruz laguntzeko, Diruz laguntzei buruzko 38/2003 Lege Orokorren 31. artikuluan xedatutakoa bete behar da, baita azpikontratatzeko 29. artikuluan eskatutako baldintzak ere.

5.1.- Diruz lagundu daitezkeen gastu kontzeptuei dagokienez, gastu mota batzuetarako ondorengo mugak ezartzen dira:

5.1.1.- Ez dira onartuko gastuen oharrak eta beste dokumentu batzuk, ez badituzte betetzen legeko faktura edo egiaztagiri kontsideratzeko baldintzak.

Salbuespen izaeraz, zerbitzuak edo lanak egiten badituzte, noizbehinka, faktura egiteko egoeran ez dauden pertsona batzuek, baina legez eskatu dakizkien baldintzak beteta, fakturaren ordean onartuko da hartzaileak jaso izanaren agiri bat aurkeztea, zeinetan jasoko diren izen-abizenak, nortasun agiria (NA) eta kontzeptua. Onuradunaren gastu guztiak kontuan hartuta, ezin izango dute gainditu gastu guztiaren %85aren kopurua. Jaso izanaren agiri bakoitzaren zenbatekoa ezingo da izan 800€ baino handiagoa eta zenbatekoa 300€tik gorakoa denean, derrigorrezkoa izango da jasotzailearen banketxe kontuan ordainketa egin izana ziurtatzen duen agiria aurkeztea.

Jaso izanaren agiria sinatu duenari Ogasunak erreklamazioen bat jarriko balioke, ezin izango zaio inolako erantzukizunik eratorri Azkoitiko Udalari; izan ere, Azkoitiko Udalak gastua egin eta ordaindu dela egiaztatu besterik ez du egingo, emandako diruz laguntza justifikatzeko bitarteko gisa.

5.1.2.- Bazkari, afari, hotel edo ostalaritzako zerbitzuen kostuak, kilometraia gastuak, ibilgailuentzako erregai gastuak, telefonia zerbitzuetako gastuak edo antzekoak modu nabarian (eta egoki justifikatuta) aurretik identifikatuak izan behar dira aurkeztutako proiektuan. Edonola ere, behar den proportzionaltasuna gorde beharko dute egindako gastuaren artean eta lortu nahi duten helburuaren artean, zenbatekoa izan gabe entitatearen gastu guztien % 25 baino handiagoa.

5.1.3.- Aurten eta salbuespenez, "Aizkotia 700" ekimenaren barruan parrokia gehiago erabiliko denez; justifikatzerako orduan, Santa Maria La Real parrokiak ondorengo gastu orokorren ehuneko bat justifikatu ahal izango du ondorengo arloetan:

- Zaintza eta mantenu gastuaren %30
- Parrokiko hornidura gastuen %15
- Aseguru gastuen %10
- Soldata gastuen %5



AZKOITIKO UDALA
AYUNTAMIENTO DE AZKOITIA

5.1.4.- Salbuespen izaeraz, justifikatzen zailak diren gastuak onartuko dira, zeinak ez duen beharko agiriz justifikatzea, eta kasu batean ere ez da izango onuradunaren gastu guztien %10 baino handiagoa.

2024ko abenduaren 31n amaituko da diru-laguntza erabiltzeko edo jarduerak egiteko epea. Aldiz, diru-laguntza emateko helburua bete duela zuritzeko eta jasotako diru-laguntza zertan erabili den justifikatzeko epea 2025ko otsailaren 28an amaituko da.

Justifikatzeko modua KONTU ERRAZTU bidez egingo da eta honako dokumentuak izango ditu:

- Justifikazio-kontuaren adierazpena Azkoitiko Udaleko webgunean (www.azkoitia.eus) eskura dagoen ereduaren arabera diruzainak sinatua.
- Jarduera memoria bat, diru-laguntza ematerakoan jarritako baldintzak bete egin direla justifikatzen duena eta egindako jarduerak eta lortutako emaitzak adierazten dituen.
- Jarduerak izan dituen gastuen eta sarreraren zerrenda sailkatua Azkoitiko Udaleko webgunean (www.azkoitia.eus) eskura dagoen ereduaren arabera diruzainak sinatua.
- Gastua justifikatzeko balio duten faktura, ordainagiri edo trafiko juridikoan frogatutako balioa duten beste agiriak onuradunak gorde beharko ditu eta Kultura Departamentuak diru-laguntza egoki aplikatu ote den egiaztatuko du horren gaineko arrazoizko ziurtasuna ematen duen ordainagirien lagin bat begiratuta. Hautaketa ausazkoa izango da eta onuraduna behartuta egongo da hautatu diren agiri original horiek aurkeztera.
- Jaso-izanaren egiaztagiria begiratuko dira, 300 €tik gorakoak direnak eta PFGZren atxikipena egin al den egiaztatuko da. Gainera, Igorle beraren Jaso izanaren egiaztagiri aztertuko dira eta PFGZren atxikipena al duten egiaztatuko da, beti ere igorlearen kopuru metatua 300 €tik gorakoa bada.

Justifikatzeko obligazioa ez betetzeak nahiz behar bezala ez justifikatzeak jasotako kopuruak eta dagozkien interesak itzuli beharra ekar lezake berekin, Diru-laguntzei buruzko Lege Orokorraren 37.1 artikuluan xedatutakoaren ildotik.

SEIGARRENA: Udalaren laguntza bateragarria izango da gainerako erakunde publiko edo pribatuek xede bererako eman ditzaketen bestelako diru-laguntzekin, eta Santa Maria La Real parrokiaren gainontzeko sarrerekin, beti ere udalari informatuta. Edonola ere, ezingo da gain-finantzaketarik izan.

ZAZPIGARRENA: Azkoitiko Udala ez da arduratuko Santa Maria La Real parrokiaren lanean ari diren langileez eta Santa Maria La Real parrokiaren izango da langileekiko lan-harremanaren ondorioz sortutako lege alorreko betebeharren erantzule bakarra. Lan alorreko legeri babesleak bere alderdi guztietan ezarritakoa bete behar du Santa Maria La Real parrokiak.

ZORTZIGARRENA: Hitzarmen hau izenpetzean, sinatzen duenak adierazten du bertan ezarritako betekizun guztiak betetzen dituela eta hemen jasotako baldintza eta betebehar guztiak onartzen dituela.



AZKOITIKO UDALA
AYUNTAMIENTO DE AZKOITIA

Era berean, izenpetzen duenak adierazten du Azkoitiko Udalari eman dizkion Datu Pertsonalak onespenez eman dizkiola eta datu horiek Azkoitiko Udalak baimendutako fitxategian sartzeko eta tratamendu automatizatua emateari baietza ematen diola.

Gainera, sinatzen duenak aitortzen du hitzarmen hau izenpetzeko eman duen informazioa egiazkoa dela eta ez duela isilean ezer gorde edo aldatu.

Hitzarmena sinatzen duenak baimena ematen dio Azkoitiko Udalari:

- a) Izaera pertsonaleko datu horiek udala kudeaketarako bakarrik erabiltzeko.
- b) Hitzarmen honen xede den diru-laguntza zuzen kudeatzeko garrantzizko den informazio guztia eskuratu ahal izateko beste Administrazio Publiko batzuen fitxategietan beharrezkoak diren kontsulta guztiak egiteko.

Hitzarmen hau izenpetzen duenak aitortzen du argibide guztiak eman zaizkiola berak eman dituen datuak izaera pertsonaleko datuen eta babes digitaleko 3/2018 lege organikoak ezarritako moduan eskuratzeko, zuzentzeko edo ezabatzeko aukeraren inguruan.

BEDERATZIGARRENA: Hitzarmen honetan aurreikusita ez dagoen guztian, betetzekoak izango dira Estatuak diru-laguntzetarako 2003ko azaroan 17an eman zuen 38/2003 Lege Orokorra, eta uztailaren 21eko 887/2006 Errege Dekretuaren bidez onartu zen Diru-laguntzei buruzko Erregelamendu Orokorra eta kasuari aplikagarria den gainontzeko araudia.

HAMARGARRENA: Administrazioko auzitegiatarako jurisdikzioaren menpe geratuko dira hitzarmen honetatik sortzen diren auziak. Nolanahi ere, bitartekaritza edo arbitrajaz konpondu daitezke, indarrean dagoen legedian zehaztutakoarekin bat etorritik.

Hitzarmen honetako klausulak ez betetzea haren deuseztapena ekar lezake eta elkarrekin diru-laguntza kontura jasotakoa itzultzera behartuta egongo da, laugarren klausulan zehaztutako eran.

Eta horrela jasota gera dadin, dokumentu honetako edukiarekin adostasuna azalduz eta leial betetzeko konpromisoa hartuta, bi aldeek hirukoiztuta sinatzen dute.

Alkateak
Ana Azkoitia

Santa Maria La Real parrokia
Felix Azurmendi Ayerbe



EKS | CSV: ESKU5c9f6cfc-274b-4f90-a5cf-f9a6e04851fc

Egiaztatu dokumentu honen osotasuna eta sinadura hurrengo URL edo QR kodean sartuz: <https://uzt.gipuzkoa.eus?De=01710>

Compruebe la integridad y firma de este documento, accediendo a la siguiente URL o código QR: <https://uzt.gipuzkoa.eus?De=01710>

Sinaduren laburpena / Resumen de firmas	
Titulua / Título:	2024CONB0023-Kontuhartzaitzarako jakinarazpena/Notificación